

*He pūtea tautoko mō ngā kaupapa
nā ngā tāngata ka whakamahi i ngā
ratonga hauora hinengaro,
hauātanga hinengaro rānei, mō
taua hunga hoki.*

He Karanga Tono

Kei te kimi te Poari i ngā tono ki te rauna tuku pūtea 2025 o te Tarahiti Pūtea Pupuri.

I tēnei tau kei te hiahia mātou ki te tuku pūtea ki ngā kaupapa e hāngai tika ana ki tētahi o ēnei whāinga:

- Te tautoko i te whanaketanga o ngā rōpū e whakahaeretia ana e ngā kaiwhakamahi ratonga hei painga mō ētahi atu kaiwhakamahi ratonga.
- Te tautoko i ngā rangahau e whakahaeretia ana e ngā kaiwhakamahi ratonga, e aro ana hoki ki ngā kaiwhakamahi ratonga, ki ngā take hauora hinengaro, hauātanga hinengaro hoki.
- Te tautoko i te whanaketanga rāngaimahi o ngā kaiwhakamahi ratonga e mahi ana hei painga mō ētahi atu kaiwhakamahi ratonga.
- Te tautoko i ngā kaupapa toi me te ahurea a ngā kaiwhakamahi ratonga.
- Ngā utu mō te whakapiki i te oranga o ngā tāngata takitahi e māraurau ana.
- Te tautoko i ngā kaupapa taituarā, whanaketanga me te mātauranga e whakahaerehia ana e ngā kaiwhakamahi ratonga hauora hinengaro me te hauātanga hinengaro.
- Te tautoko, te kōkiri rānei i ētahi atu mahi whai pānga, whakapiki rānei i te tutukitanga o ngā whāinga me ngā kaupapa i runga ake nei.

** E kōrero ana te 'kaiwhakamahi ratonga' mō ngā kaiwhakamahi ratonga hauora hinengaro, hauātanga hinengaro rānei.*

** E kōrero ana te 'tāngata takitahi' mō ngā tāngata takitahi o ngā hapori hauora hinengaro, hauātanga hinengaro rānei.*

Ko ngā tono pūtea nei, me:

- Whai hua ki ngā tāngata ka whakamahi, i whakamahi rānei i ngā ratonga hauora hinengaro, ratonga hauātanga hinengaro rānei.
- Tono e ngā rōpū mahi aroha - ka taea e te tangata takitahi, e ngā rōpū rānei kāore he tūnga mahi aroha te tono, engari me whai i te rōpū kaupupuri pūtea, kaitaunaki pūtea rānei me te tūnga mahi aroha ki te whakahaere i ngā tahua mō rātau.
- Ārahi, whakahaere rānei e ngā rōpū mahi aroha mā ngā tāngata takitahi, rōpū rānei kāore he tūnga mahi aroha.

Ka eke ki te \$10,000 te uara o ngā takuhe ka tāpaetia ki ngā rōpū angitu. Ko ngā rōpū angitu me tuku mai i ā rātau pūrongo haepapa Kāore e arohia ngā tono tōmuri.

He pūtea tautoko ā-tau hou - te pūtea tautoko kaiārahi a Tā Robert Martin

Ka whakanui tēnei pūtea tautoko i a Tā Robert Martin, he kaikōkiri take hauātanga i whakatairanga i te mana whaiarotanga puta noa i te ao, i noho hoki ki te Komiti Take Tāngata Hauā o te Kotahitanga o te Ao mai i 2017, ā mate noa ia i 2024.

He mema hoki a Tā Robert Martin i te poari Pūtea Pupuri i 2007 tae atu ki 2021.

Ka whakawhiwhia atu tēnei pūtea tautoko ki tētahi rōpū mahi aroha ki te tautoko i te/ngā tangata takitahi e whai ana i te hauātanga ako ki roto i ngā mahi akiaki whaiaro. E ākina ana ngā rōpū mahi aroha ki te tono mai mō te/ngā tangata takitahi e whai ana i te hauātanga ako e hiahia ana rātau ki te tautoko. Ka raua atu ki ngā kaupapa whakamahi o te pūtea tautoko (engari kāore e herea ki ēnei anake) ko:

- Te whanaketanga ngaio/whaiaro
- Te whakawhanake hautūtanga
- Te pūtea tautoko i te nohonga e taea ai e te/ngā tangata whai hauātanga ako kia kuhu atu ki ngā mahi akiaki / te whakakanohi i te hunga whai hauātanga ako ki roto i ngā mahi akiaki
- Te haere ki te huihuinga hei painga mō te akiaki kaupapa mō ngā tāngata whai hauātanga ako
- Te pūtea tautoko i te/ngā kaiāwhina ki te tautoko i te tangata whai hauātanga ako kia whai wāhi atu ki ngā mahi akiaki (hei tauira, ko te haere tahi me te tangata ki te huihuinga)
- Te pūtea tautoko i te/ngā tangata whai hauātanga ako ki te whakawhanake i te kaupapa pakihi

Kotahi te pūtea tautoko e \$10,000 te nui ka whakawhiwhia atu ki te rōpū ka angitu

Nō te mea he pūtea tautoko ā-tau hou tēnei, ka rāhiri nei mātau i ngā tono / whakaaro hei kōkiri i ngā tika o ngā tāngata whai hauātanga ako, i runga i te wairua o ngā mahi i mōhiotia nuitia ai a Tā Robert Martin.

Pānuitia ētahi atu kōrero mō te ora me ngā mahi a Tā Robert Martin [i konei](#).

Te Tukanga Tono

1. Me rōpū mahi aroha rēhita te hunga tuku mai i ngā tono.
2. Ko ngā tāngata takitahi me ngā rōpū kāore i te whai karangatanga mahi aroha, me tono mai mā tētahi whakahaere kaupapa mahi aroha kua oti nei te whakaae māna e whakahaere ngā pūtea mōna.
3. Ka tuwhera ngā tono ā **te 12 o Haratua 2025** hei te 9am ki te **11 o Hōngongoi 2025** i te 5pm. Ka whakamōhiotia ngā kaitono i pēhea te tono i mua i te **31 o Hereturikōkā 2025**.

Ka taea te pukatono mā te pae tukutuku: [Frozen Funds](#)

Mō ētahi atu kōrero, tēnā haere ki tā mātou pae tukutuku: [Frozen Funds](#)